

OLIMPIADA NAȚIONALĂ DE LIMBA RROMANI

ETAPA JUDEȚEANĂ

07 MARTIE 2026

ANUL IV DE STUDIU

- Savorre subijèktură si musajutne.
- Den pen ivăthe 10 pùnkture.
- E butăqo vaxt si 3 ore.

O JEKHTO SUBIJÈKTO

32 pùnkture

Del pes o tèksto:

Sasas jekhvar jekh manuș. Vov baro mājstori sasas, aj sasas les biș thaj trin butărne. Dias pes godi te kerel jekh khangeri. Line von te vazden i khangeri. Diveseshe so vazdenas rāte perelas. Kadja, von xale kīno duj-trin berša thaj n-aști te vazden i khangeri. Savorre sasas xolāme.

Jekhvare, den pen te soven thaj dikhle suno, le savorre biș thaj trin zene, ke si te zan pašal o gav, kaj thavdel i len, kaj arakhena jekhă cōxană – drabarnă thaj te pučen laθar so te keren, sar te vazden i khangeri. Voj phendās lenqe:

– Si te thoven and-o barang jekhe manușes! Savi e butārnesqi zuvli maj anglal anela xaben, kodola te ziduīn la!

O mājstori o maj baro brigisajlo k-e lesqi zuvli sa vrāma avelas xamaça maj anglal le savorrenθar thaj rugisajlo ka-o Devel te tradel and-e laqo drom jekhe ruves te daravel la zuvlă aj te del mujal o xaben.

Avili pesqi zuvli, o ruv daravdās la, thaj voj dias mujal o xaben. Boldās pes palpale, ke xaben maj sasas la khere, lias o xaben thaj palem avili. O ruv palem daravel la, palem del pes mujal o xaben, palem...Trinvar andās xaben i zuvli, tha' vi akana voj aresli maj anglal. Atùnć laqo murš n-as les so te kerel thaj čhutās la and-o barang thaj phendās le majstorurenqe te anen lesqe sig kārāmide te učaren la. Ziduisardās la zi k-o paš le punrenqo, thaj voj sa asalas, andar kodoja ke voj patālas so pesqo murš kerelas pherasa laça.

Kana ziduisardās la zi k-o kolin, voj phendās lesqe:

– Mirre murșea! So sas tuqe maj kuć tu učardăn!

Vov ačhilo moça, ėi dās la anglal, thaj phendās zorales pesqe majstorurenqe:

– Anen sig - sig xurdo barr, anen kişaj!

Kana areslās zi ka-i korr, voj dias armană i khangeri thaj phendās:

– Kana avela agordini i khangeri, nić jekh raşaj te n-aști te inkerel devlikani slùžba and-i khangeri!

Nùmaj e bale te phiren thaj te xanruven pen k-e baranga le khangerăqe!

Kadja vi sas. Nikon n-aştisardās te inkerel devlikani slùžba, kana line te služin e raşaja von ačhile lale.

(O zidàri - palal i rumunikani balàda „O Mājstori Manuīlē”)

1. Xramosaren savo si o titulo, o autòro thaj e personàžură andar o dino tèksto! **6 pùntură**
2. Arakhen e sinonimură vaś e alava: *rugil pes, te phiren, phendăs*. **4 pùntură**
3. Roden thaj xramosaren, andar o dino tèksto, trin zuvlikane navnă/ substantivură! Xramosaren kana si zivdisarde vaj biživdisarde. **6 pùntură**
4. Keren jekh propozicia and-i savi o alav „o murś” te avel subijèkto, thaj o alav „sas” te avel predikàto. **4 pùntură**
5. Roden thaj xramosaren, andar o dino tèksto, trin sarnavnă/ pronòmbrură! Xramosaren ke savo zeno si von. **6 pùntură**
6. Roden thaj xramosaren, andar o dino tèksto, trin kernavnă/ vèrbură save si ka-o nakhlo vaxt. Xramosaren k-e savo zeno thaj gin si von. **6 pùntură**

O DUJTO SUBIJÈKTO

58 pùntură

1. Ambolden gazikanes e anglutne 10 rëndură andar o tèksto dino maj opre! **18 pùntură**
2. Nakhaven i kernavni/ o vèrbo „*phenel – a spune*” ka-o nakhlo vaxt! **12 pùntură**
3. Nakhaven o vèrbo/ i kernavni „SI – A FI” ka-o nakhlo vaxt. **12 pùntură**
4. Ambolden and-i rromani čhib! **16 pùntură**
 - a) Oraşul acesta este unul dintre cele mai frumoase oraşe din ţara noastră.
 - b) Aici, la Olimpiada Naţională de Limba Rromani, mi-a făcut foarte mulţi prieteni.
 - c) Familia lui a vândut casa pe care o avea în sat.
 - d) Şcoala noastră este mică şi frumoasă în care toţi elevii sunt prieteni.